



UNIVERSITÄTS-
BIBLIOTHEK
PADERBORN

Praxis Bene Meditandi

Berzetti, Nicola

Coloniae Agrippinae, 1658

Prooemium Autoris.

Nutzungsbedingungen

[urn:nbn:de:hbz:466:1-56496](https://nbn-resolving.org/urn:nbn:de:hbz:466:1-56496)

PROOEMIUM AUTORIS.

Rerum spiritualium & divina-
rum meditationem unam esse
ex precipuis functionibus, quibus ho-
mo in hac vitâ occupari potest, nemo
est qui dubitet, per illam enim intelle-
ctu, superno lumine adiuto, inquiri-
mus, & invenimus sanctissimam i-
psius Dei voluntatem, quæ est sanctifi-
catio nostra; voluntate eandem desi-
deramus atque amamus; memoriâ
illius recordamur; imaginatione ap-
prehendimus, imò quasi ipsis corporeis
sensibus ac membris amplectimur, ut
exequamur. Ita ut verè dici possit,
nullam esse in homine sive exteriorem
sive interiorem potentiam, quæ me-

diantr

Prooemium

diante meditatione non se totam Ex-
ercitio divina laudis, propter quam
partialiter creatus est homo, impen-
dat. Nec solam illam partem finis,
quæ huius vitæ propria est, assequitur;
verum certâ quâdam participatione,
& proportione ad illam etiam, quæ est
propria futurae pertingit: cum enim
illa in continuâ visione, amore, &
fruitione divina maiestatis, pro diver-
so meritorum, gradu, nullius alterius
rei desiderio interruptâ, consistat; sine
dubio dum quis se perfectissimæ cogni-
tum arctissimo amori, & suavissimæ
fruitioni divinae (quæ quidem in mi-
sera hac vita haberi potest) per medi-
tationem dedit, proportione quadam
ad ipsam felicitatem beatorum, quæ
est summa ac perfectissima pars finis

humanæ

Autoris

mana creationis, participandam accedit.

Verum quidem est, quod ob infelicem huius mundi conditionem homo variis cogitationibus distractus, atque aliis desideriis praecipuus, absque violentia quadam, felicitate hac continuo frui non possit, nihilominus adiuvante Deo, à quo omnis meditatio, ut donum perfectum procedit, circa quem meditando occupatur, cum quo conversatur, & loquitur, accedente etiam diligentia, atque industria propria, potest ad eam cum Deo unionem pervenire, ut si non continuo, certo saltem tempore eadem etiam cum perfectione aliqua fruatur. Itaque magna est adhibenda diligentia (sicut in aliis quoque precipuis & delicatis Exer.

Proœmium

citiis fieri consuevit) ut bene fiat, non solum ob iam dicta, quæ illam desiderant; sed etiam ob naturam ipsius meditationis, à Doctoribus iis verbis explicatam, quæ singularem diligentiam, ac studium exigunt; Modò enim studiosa mentis intentio, diligenter rei alicujus investigationi insistens; modò providus quidam obtutus veritati investigandæ fortiter infixus, definitur; Modò curiosa & sagax mentis violentia, obscurarum rerum investigatrix, & implicatarum, ac perplexarum enodatrix; Modò fortis & vehemens animi ad inquirendum, cognoscendum, gustandum divinum aliquid applicatio dicitur, Modò alia fortitur nomina &

descri-

Autoris

descriptiones, quæ omnes magnum conatum ex parte eius, qui vult meditari, postulant. Unde abs re non erit, modum aliquem practicum in sancto hoc Exercitio, ne aut negligenter, aut sine desiderato fructu tractetur, usurpandum proponere. Pro maiori ergo facilitate, & claritate dicam primo, quid ante Meditationem deinde Quid tempore ipsius Meditationis, denique, quid post absolutam Meditationem, faciendum.



MEDI-